



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 94. S. Bernardini Senensis obitus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

borum lenociniis prolectata est. Non Sæcul. XV.
 deerant, qui afferere haud dubitabant, A.C. 1444.
 hunc hominem, etsi impacti criminis reus
 esset, rem tamen fortiter, probeque e-
 gisse, eo quod genus humanum a fordida
 hujus Prælati avaritia liberasset. In ho-
 sce laqueos infelix ultro delapsus, crimen
 suum fatebatur, eodemque anno die
 decima octava Aprilis suspensus, in qua-
 tuor partes, quæ ad præcipuas Urbis
 portas appensæ sunt, dissectus est. Vix
 non eodem tempore Eusebius Caymus
 Nobilis Mediolanensis in Cathedrali Ec-
 clesia Mediolani, jussu Philippi Ducis,
 trucidatus occubuit, afficto crimine, quod
 Ducis secreta Francisco Sfortiæ Gene-
 ro suo ac Veneti exercitus Ductori pro-
 didisset.

§. XCIV.

Sancti Bernardini Senensis obitus.

Hoc eodem anno die vigesima Maji *Platin. 83*
 S. Bernardinus Senensis Aquilæ in *Ciaccon. in*
 Vestinis, sive ut vocant, in Aprutio ex *Eug. 17.*
 hac vita migravit. Pater ejus itidem
 Senensis ex pervetusta Familia de Albi-
 ceschis, Tollus nuncupabatur, qui Mas-
 sam in Tuscia perveniens, in eadem civi-
 tate sedem fixit, uxoremque duxit Ne-
 ram cujusdam Nobilis Viri Filiam. Ber-
 nardinus primam lucem aspexit Anno
 salutis

Sæcul. XV.
A.C. 1444.

S. Bern. vit.
per Joan.
Capistr.

salutis millesimo trecentesimo octogesimo, & tertio ætatis suæ anno Matre, sexto demum utroque Parente orbatus, sub cura cujusdam Matronæ materteræ suæ educandus remansit, donec tertium decimum attingens annum, per Patruos suos Senas advocaretur, ut Grammaticæ sub Onuphrio, Philosophicis vero disciplinis sub Joanne Spoletano operam daret. Paulo post societati *Disciplinatorum*, in magno Hospitali S. Mariæ de Scala in civitate Senarum adscribi curavit, ubi eximio Charitatis fervore, ac pietatis studio peste laborantibus servitium sedulamque operam exhibuit, nec tamen proprium suum corpus miris vitæ austeritatibus affligere cessavit. Anno Domini millesimo quadringentesimo secundo in monasterio de Columbario prope Senas Regulam FFr. de Observantia S. Francisci professus est, & susceptis postmodum sacris Ordinibus Sacerdotio initiatus, totum sese prædicando Dei Verbo impendit. Plures novos in Italia sui Ordinis Conventus erexit, & veteres ad antiquam revocavit disciplinam. Tandem Commissarius Terræ sanctæ Hierosolymam mittebatur, sed paucis ex post annis in Italiam reversus geminato fervore in prædicationis officium incubuit, atque ut Fidelium corda erga Servatorem nostrum magis inflammaret, solemne illi fuit

fuit sacratissimum JESU nomen in quodam circulo radiis solaribus cincto describere, ac curare, ut ejusmodi figuræ complures efformarentur. Non defuere, qui nomini ejus invidentus, ipsum erronea in suis sermonibus in vulgus spargere dicebant, eumque ad summum etiam Pontificem deferebant, adeo, ut Martinus V. multis, gravibusque accusationibus pulsatus, illum in jus vocaret, ejusdemque libros aliis examinandos committeret, qui tamen omnia ejus scripta fidei orthodoxæ apprime consona judicabant; quapropter a Papa benevole auditus, ab omni criminum objectorum nota immunis declarabatur, concessa eidem sui Ministerii munia libere prosequendi facultate. Præterea Senenses, Ferrarienses, & Urbinatenses missis ad Papam Eugenium IV. Oratoribus Bernardinum sibi Antistitem præfici optabant, sed Vir sanctus oblatam dignitatem, quamvis ab ipso Pontifice instantè rogaretur, constanti animo respuit, nec aliud, quam munus Vicarii Generalis Fratrum de Observantia pro tota Italia acceptavit, in quo lapsam instituti disciplinam revocavit, & trecentos ferme Conventus a fundamentis erexit. Nicolaus V. eundem sexto post obitum anno, Sanctorum Coetui annumerandum censuit Anno Jubilæi millesimo quadringentesimo quinquagesimo.

Hujus

Sæcul. XV.

A. C. 1444.

S. Bern. Sen.
Vita per
Joan.
Capistr.

ibid.

Sæcul. XV. A. C. 1444. Hujus Sancti Doctoris opera in quatuor tomos nonnisi tractatus morales ac asceticos complectentes divisa exstant, quibus insertum habetur duplex, ut vocant, *Quadragesimale*, quos tamen sermones ob diversitatem styli ex ejus calamo profluxisse, negant Critici. Præter editionem Venetiis anno Christi millesimo quingentesimo nonagesimo primo factam, alia Parisiensibus literis Anno sexcentesimo trigesimo quinto supra millesimum duobus majoris formæ voluminibus excusa habetur.

§. XCV.

Actum de pace Franciam inter & Angliam.

Cum ambo Reges, Gallus, Anglusque ob diuturnum bellum viribus, & animo fracti essent, Henricus VI. ex ceteris primus pacis fundamenta jacturus, de conditionibus egit, consensitque, ut urbs quædam Gallorum imperio subjecta nominaretur, in qua conventus agi deberet. Seligebatur ad sancendam concordiam Turonium, ad quam urbem convenere Regis Angliæ nomine Comes Suffolciæ, & Robertus de Rore. Ablegabat Burgundiæ Dux Joannem Crojum Hannoniæ Prætozem: A Rege autem Franciæ illuc Decreti fuere Dux Aurelianensis, Vindocinen-